

LECTORI.

*Vitam S. Margaritæ, reginæ Scotiæ, recenset Fabricius inter Opera B. Aelredi, « quam, inquit, sed decurtatam, habet Surius ad diem 10 Junii, integriorem Acta Sanctorum ad illam diem. » Quæ tamen in *Actis Sanctorum* legitur S. Margaritæ Vita non Aelredum, sed Theodoricum monachum Dunelmensem auctorem agnoscit. Fragmента tantum non nulla afferit D. Papebrochius ex libro Aelredi supra recuso *De genealogia regum Anglorum*. En ipsius Papebrochii verba: « Laurentius Surius, qui in priori anni 1571 editione Margaritam ignoraverat; in secundæ anni 1579 inseruit nescio per quem acceptam Vitam, sub nomine incerti auctoris, præfatus quod eam S. Aelredus abbas primo conscripsit. Opera S. Aelredi Joannes Baleus cent. 2, cap. 99, ex eoque Joannes Pitseus recensentes, Ealredum nominant. In his notatur *Vita Margaritæ reginæ*, lib. 1; sed eam sibi non esse visam ambo testantur, cum omittunt, quæ alibi addunt, prima illius verba. Inter Scriptores vero decem postea editos ad nosque perlatos, quartus est *Ethelredus*, atque inter alia ejus ibi scripta Epistola ad illustrem ducem II., id est Henricum, postea Anglorum regem, sanctæ ex filia Mathilde nepotem; cui epistolæ, anno 1144 scriptæ, in volumine prædicto ponitur titulus: *Genealogia regum Anglorum*. Illic, cum verbotenus eadem reperiam, quæ ad Theodorici contextum adduntur apud Capgravium de regina Mathilde, veluti accepta ex ore Davidis, regis ac fratrum natu minimi et testis oculati, vehementer suspicor, nihil de sancta scripsisse illum, nisi quæ in prædicta Genealogia leguntur. Si tamen aliquid amplius scripsit, etiam hoc vehementer optatur. »*

POST MEDIUM SECULUM

HENRICUS ARCHIDIACONUS HUNTINGDONENSIS

NOTITIA

(FABRIC., *Bibliotheca mediae et inf. Latin.*, tom. III, pag. 222)

Henricus, ex Lincolnensi canonico archidiaconus Huntindonensis, Huntenduniensis, sive Huntingtonensis. Vide Baleum II, 82, et Pitseum, p. 211. Scripsit, petitione Alexandri Lincolniensis episcopi, *Historiam Anglorum* libris viii ab originibus gentis, et maxime ab Anglorum Saxonumque transitu in Britanniam usque ad obitum Stephani regis, A. C. 1153. Prodiit in H. Savilii Scriptoribus rerum Anglicarum. Lond. 1596, et Francof. typis Wechelianis 1601, fol., pag. 296. His octo libris, *nonum, decimum, undecimum et drodecimum*. Henricus addidit, quos maximam partem adhuc ineditos servari in duobus, biblioth. Lambethanæ per pulchriss mss. codicibus notavit H. Warthonus præf. ad tom. II *Angliæ sacrae*, pag. xxix. In his liber nonus agit *de sanctis Angliæ et de miraculis eorum*. Liber decimus, *de summiatibus rerum titulum* habet. In præfatione, quam anno 1135 scripsit, *de fine mundi* disserit. Præfationi succedit epistola ad Henricum regem, ms. etiam in bibliotheca Cottoniana, p. 76, *de serie regum et imperatorum Judæorum, Assyriorum, Persarum, Macedonum et Romanorum usque ad imp. Couradum III*, sive ad sua tempora. Dein alia ad Warinum Britonem epistola *De origine regum Britannorum a Bruto ad Cadwalladrum*, quos in Historia sua pretermiserat, postea autem in Galfridi Arthuri libro apud Beccum invenerat et hanc edidit Dacherius ad calcem Guiberti de Novigento, p. 736. Huic succedit tertia ad Walterum episcopum Wintoniensem, epistola an. 1145, *De mundi contemptu per ea quæ ipsi vidimus: seu (ut aliud habet codex) De imagine mundi, alias De mundi appetitu, sive De episcopis et viris illustribus sui temporis*. Hanc ex utroque codice Lambethano exhibuit, laudatus Warthonus tom. II *Angliæ sacrae*, pag. 692-702, variantibus alterius lectionibus ad marginem appositis. Eam antea evulgaverat Dacherius in Spicilegio suo, Tom. VIII, pag. 478 (editionis novæ tom. III, pag. 503). Liber undecimus Satyras et epigrammata complectitur; duodecimus, hymnos sacros, lusus amatorios et carmina diversi generis habet. Ex unico hoc Historiarum opere Baleus II, 82, et Pitseus, cap. 204, pag. 212, plus quam viginti libros proculderunt, singulas fere epistolas et carmina pluribus subinde titulis pro arbitrio effictis insignita saepius recensentes. Videndum an diversum aliquod sit opusculum *De provincia Britannia*, quod in bibliotheca Cantabrigiepsi publica servari notavit Caveus. Henricus ipse ad Walterum (1) carmina sua memorans, ad ea quæ libro undecimo leguntur, respicit:

(1) Tom. II *Angliæ sacrae*, pag. 702.